

Form I-9, Aweewel Tarabwaagho Iye U Bwe Toolong Lóll Schéél Aweewe Ngali Schóól-tarabwaagho



U.S. Citizenship
and Immigration
Services

- 1. Meeta ówtol lóll Form I-9?** Yaar aweewe me reel Federad nge schóól-attarabwaagho re bwe affataaló bwe alongal ówtorisaal schóól-tarabwaagho re bwe pipiiy me e wewe fengal me rebwe a wela fengaliy. Schóól-attarabwaagho mille re bwe yááyá Form I-9 ngare re bwe féeri. Schóól-attarabwaaghomw e bwe ayeghúugh bwe u bwe sóbweeiló me atakkaalo Section 1. Amwari ghatchúw me árághi ghatchúw nge ischiy-tiw.
- 2. Iyo e ghal amwaschú Form I-9?** Yóómw schóól-atarabwaagho mille e kke amwaschú Form I-9 ikka aa takkeló, nge e bwe bwal ngalleer akkáv bwulasiol gobietno ngare re tingór. Samwoolul Department of Homeland Security, sáangi Office of Special Counsel for Immigration-Related Unfair Employment Practices (OSC) me rel Department of Justice, me bwal Department of Labor nge re emmwel re bwe inspekta li schóól-atarabwaagho Form I-9.
- 3. I bwe mwákkeitiw alongal lóll Section 1?** Saabw. Eyoor eluww mille re bwe fili me leiyir: (1) Numerol Social Security (2) E-mail Address, me (3) Numerol Tilifon. Ngare schóól atarabwaagho re yááyá E-Verify, nge u bwe ngaleer yóómw numerol Social Security. Ngare u bwe ngaleer yóómw e-mail address me numerol yóómw tilifon, E-Verify e bwe ngallégh milikka e ghi fil bwe u bwe reepiya reel yóómw kkausal E-Verify.
- 4. I bwe atakka ló Section 2 me ngare Section 3?** Saabw Section 2 me Section 3 nge schóól-atarabwaagho re bwe féeril.
- 5. Mille Form I-9 e bwal yoor rel mwaleyeer akkáscháy?** Awer. Form I-9 nge e bwal yoor rel mwaliyer Espaniol re yááyá me Pueto Rico. Lúghúl Pueto Rico nge kkapasal Espaniol mille re ghal yááyá bwe e bwe schéeli ngáliir schóól-tarabwaagho me bwal schóól-atarabwaagho re bwe aweewe me mwaliyál English form.
- 6. Emmwel ascháy iye e repiya kasal English e bwe schéeli yáy rel féeri Form I-9?** Awer. Emmwel u bwe aiyeghi escháy e bwe schéelúgh u bwe atakkaló form. Aweewe nge u bwe yááyá form iye re sáliti ngalúgh mwakkal infotmasion. Aramas ye e schéelúgh bwe sáláti me e atakka ló forms nge e bwal atakka ló "Preparer and/or Translator certification" ul Form I-9. Nge bwal yel u bwe mwákkeitiw itómw rel Section 1.
- 7. Ifa dokumento ye ngaang i bwe abwári ngáli schóól-atarabwaagho?** U bwe abwári ngáli yóómw schóól-atarabwaagho dokumentol "List of Acceptable Documents." Lista yel nge e bwal lo lóll Form I-9. Yel u bwe afili ifa dokumento ye elo wóól Lista. Yóómw schóól-atarabwaagho ese emmwel e bwe aiyeghúugh u bwe abwári ngáli dokumento.
- 8. Eto ngali i bwe abwáringáli schóól-atarabwaagho éew me ngare ruwow dokumento?** E dipendi. Schóól-tarabwaagho emmwel e bwe fili éew dokumento me rel "List A" e bwe aprebáli weweel me ówtorisaal tarabwaagho. Akkáscháy schóól-tarabwaagho re afili me ese bwal fil me lóll "List B" iye e bwá ló weweel me rel "List C" e bwá rel ówtorisaal tarabwaagho. Alongal listaal dokumento ye emmwel u bwe yáyáá, nge pipiiy me rel List of Acceptable Documents.
- 9. Meeta ebwe yoor ngare u se atakkaaló Section 1 me ngare u bwe peresentáli dokkumento yel?** Ngare u se féeri me u se atakkaalo Section 1 me reel Form I-9 me ngare u se peresentáli dokkumento yel nge schóól-attarabwaaghomw emmwel e bwe a úughúl me lóll yóómw tarabwaagho me e bwe ammwelúghúl lóll yóómw tarabwaagho.
- 10. Emmwel i bwe faiye-ngaow bwe ngare i misimisilong wóól form yel?** Awer. U bwe lo lóll kriminad chaage ngare u mismis me ese wel ówtol dokumentol Form I-9.
- 11. Iyo ibwe faingiy ngare eyoor yáy aiyegh, ngare i mángiy bwe schóól-atarabwaagho ese ghatch yal féfféer ngáli yáy rel igha ngaang schóól lúghúl me tool citizenship?** Rel aiyeghil Form I-9, faingi U.S. Citizenship and Immigration Services at 1-888-464-4218. Ngare u lúghúlúgh bwe re se aweewe paghúgh bwe yel schóól lúghúl ngare citizenship ngare yóómw imigresion ngare ayeghil direchomw, faingi Office of Special Counsel for Immigration-Related Unfair Employment Practices rel 1-800-255-7688. (schóól sássálil me akatéll kkapas ebwal yoor 1-800-237-2515 (TDD)).
- 12. E faisúl ibwe ghuleey me repiya Form I-9 me yáy aweewe me responsibilidad ngare ngaang schóól-atarabwaagho?** Toolong bisitali I-9 Central (www.uscis.gov/I-9Central). USCIS kada meram e ghal ayoora webinars ngáliir schóól-tarabwaagho rel English me Espaniol, me ebwal yoor schedule-1 ngáli OSC's website (www.justice.gov/crt/about/osc).